

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН

ИНДӨД

**Коми Республикаса канму гражданскöй служащöйясöс
да гражданаöс, кодьясöс вештисны Коми Республикаса канму
гражданскöй службаысь награда сетöм либö ошкöм вылö
вöзйöм бöрын, öтчыдысь ошкöм йылысь**

«Коми Республикаса канму гражданскöй службаын öткымын юалöм йылысь» Коми Республикаса Оланпаслөн 13 статья серти шуа:

1. Урчитны Коми Республикаса гражданскöй служащöйяслы да гражданаы, кодьясöс вештисны Коми Республикаса гражданскöй службаысь награда сетöм либö ошкöм вылö вöзйöм бöрын, öтчыдысь ошкöм мынтан мындаяс, пöрадок да условиеяс 1 №-а содтöд серти.

2. Тайö Индöд збыльмöдöмкöд йитчöм рöскодсö сьöмөн могмöдöны сьöм тшöт весьтö, мыйта сетöны Коми Республикаса республиканскöй сьöмкудйысь Коми Республикаса лöсялана канму власьт органьяслы, Коми Республикаса мукöд канму органлы Коми Республикаса канму гражданскöй служащöйяслы уджысь мынтысян урчитöм фонд мындаын.

3. Лыддыны вынтöмөн Коми Республикаса Юралысьлысь öткымын индöд 2 №-а содтöдын индöм лыддьöг серти.

4. Тайö Индöдыс вынсялö сйöс официальнойя йöзöдöм бöрын дас лун кольöм мысти.

Коми Республикаса Юралысь

В. Уйба

Сыктывкар

2021 вося вöльгым тöлысь 12 лун

130 №

Коми Республикаса гражданскöй служащöйяслы да гражданагы,
кодъясöс вештисны Коми Республикаса гражданскöй службаысь награда
сетöм либö ошкöм вылö вöзйöм бöрын, öтчыдысь ошкöм мынтан

МЫНДАЯС, ПÖРАДОК ДА УСЛОВИЕЯС

1. Коми Республикаса канму гражданскöй служащöйясöс (водзö – гражданскöй служащöй) ошкигөн да налы награда сетигөн мынтыны гражданскöй служащöйяслы либö гражданагы, кодъясöс вештисны Коми Республикаса канму гражданскöй службаысь награда сетöм либö ошкöм вылö вöзйöм бöрын (водзö – гражданин), öтчыдысь ошкöмсö Коми Республикаса канму власьт органын, Коми Республикаса мукöд канму органын (водзö – канму орган) гражданскöй служащöйяслы уджысь мынтысян фонд сьöм тшöт весьтö татшöм мындаясын:

1) Россия Федерацияса канму наградаяс сетигөн либö Россия Федерацияса Президентөн, Россия Федерацияса Велькöдлан котырөн ошкигөн – дас вит сюрс шайт мындаын;

2) «Коми Республикаын наградаяс да ошкöмъяс йылысь» Коми Республикаса Оланпаслөн 3 статьяын индöм Коми Республикаса канму наградаяс сетигөн – дас вит сюрс шайт мындаын;

3) «Коми Республикаын наградаяс да ошкöмъяс йылысь» Коми Республикаса Оланпаслөн 4 статьяын индöм Коми Республикаса мукöд награда сетигөн – дас сюрс шайт мындаын;

4) «Коми Республикаын наградаяс да ошкöмъяс йылысь» Коми Республикаса Оланпаслөн 5 статьяын индöм Коми Республикаын ошкöмъяс дырйи – куим сюрс шайт мындаын.

2. «Коми Республикаса канму гражданскöй службаын öткымын юалöм йылысь» Коми Республикаса Оланпаслön 13 статьяса 1 юкöнын 1 – 3 пунктъяс серти гражданскöй служащöйöс либö гражданинöс ошкöм либö сылы награда сетöм йылысь помшöмыс примитсьö медалысьöс петкöдлысьöн. Гражданскöй служащöйлы либö гражданинлы мынтöны öтчыдысь ошкöм либö сетöны дона козин, кутшöмъясöс урчитöма «Коми Республикаса канму гражданскöй службаын öткымын юалöм йылысь» Коми Республикаса Оланпаслön 13 статьяса 1 юкöнын 1 – 3 пунктъясöн, пöрадокын да мындаясын, кутшöмъясöс вынсьöдö медалысьöс петкöдлысь, гражданскöй служащöйяслы уджысь мынтысян фонд мындаын.

3. Коми Республикаса гражданскöй служащöйяслы да гражданылы, кодъясöс вештисны Коми Республикаса гражданскöй службаысь награда сетöм либö ошкöм вылö вöзйöм бöрын, öтчыдысь ошкöм мынтан тайö мындаяслön, пöрадоклön да условиеяслön 1 пунктса 2 – 4 пунктувъяс серти (водзö – Мындаяс, пöрадок да условиеяс) гражданскöй служащöйлы либö гражданинлы награда сетигön индöм морт серти оз вöдитчыны «Коми Республикаын наградаяс да ошкöмъяс йылысь» Коми Республикаса Оланпас збыльмöдан мераяс йылысь» Коми Республикаса Юралысьлön 2011 во ода-кора тöлысь 27 лунся 84 №-а Индöдлön положениеясöн, кутшöмъяс урчитöны йöзöс премируйтöм, кодъяслы сетöма Коми Республикаса почёт нимъяс, кодъяслы сетöма Коми Республикаса Почёт грамота, кодъяслы сетöма Коми Республикаса отличие пасьяс, кодъясöс ошкöма Коми Республикаса Юралысьлön дипломön, Коми Республикаса Юралысьянь дона козинön либö Коми Республикаса Юралысьянь аттьöалöмön.

4. Öтчыдысь ошкöмсö мынтöны:

- 1) гражданскöй служащöйлы;
- 2) гражданинлы;
- 3) гражданскöй служащöйлön либö гражданинлön семьяö пырысьяслы сэк, кор гражданскöй служащöй пöгибнитис (кувсис) либö

гражданин кувсис, кодъяслы сетöма Россия Федерацияса канму награда либö кодъясöс ошкöма Россия Федерацияса Президентöн, Россия Федерацияса Вескöдлан котырöн, «Коми Республикаын наградаяс да ошкöмъяс йылысь» Коми Республикаса Оланпас серти Коми Республикаса канму наградаясöн либö мукöд наградаöн да ошкöмöн, а сідзжö сэк, кор сетöма Россия Федерацияса канму награда, Коми Республикаса канму награда кувсьöм бöрын.

Пöгитнiтöм (кувсьöм) гражданскöй служащöйлöн либö гражданинлöн семьяö пырысьясöн, кодъяслöн эм öтчыдысь ошкöм босьтöм вылö инöд (водзö – семьяö пырысьяс), лыддысьöны «Коми Республикаса канму гражданскöй службаын öткымын юалöм йылысь» Коми Республикаса Оланпаслöн 13 статьяса 7 юкöнын индöм семьяö пырысьяс.

5. Öтчыдысь ошкöм мынтöм могысь тайö Мындаяслöн, пöрадоклöн да условияслöн 4 пунктын индöм йöз сетöны канму органö, кöни гражданскöй служащöй либö гражданин уджалö (уджалiс) Коми Республикаса канму гражданскöй служба чинын, индöм канму органöн юрнуöдысьлöн ним вылö öтчыдысь ошкöм мынтöм йылысь шыödчöм (водзö – шыödчöм), кутшöмöс пасйöны лöсялана канму органын сылöн воан лунö.

Шыödчöмын индысьöны:

1) босьтысьлöн ов, ним, вич, паспортлöн серия, номер, сійöс сетан кадпас, а сідзжö сійöс сетысь орган йылысь тöдмөгъяс, чужан кадпас, вот мынтысьлöн пас;

2) гражданскöй служащöйлы либö гражданинлы награда сетöм либö сійöс ошкöм йылысь Россия Федерацияса инöда актлöн либö Коми Республикаса инöда актлöн реквизитъяс;

3) öтчыдысь ошкöм босьтöм вылö лицевöй тшöтлöн реквизитъяс, кутшöмöс восьтöма босьтысьöн финансово-кредитнöй учреждениеын.

Шыödчöм дорö содтысьöны босьтысьлöн паспорт копияыс, гражданскöй служащöйлы либö гражданинлы награда сетöм либö сійöс

ошкӧм йылысь Россия Федерацияса инӧда актлӧн либӧ Коми Республикаса инӧда актлӧн копияыс.

Сэк, кор шыӧдчӧмсӧ сетӧ гражданскӧй служащӧйлӧн либӧ гражданинлӧн семьяӧ пырысь тайӧ Мындаяслӧн, пӧрадоклӧн да условиеяслӧн 4 пунктса 3 пунктулӧн урчитӧм случайын, шыӧдчӧм дорӧ сідзжӧ содтысьӧны татшӧм документъяслӧн копияясыс:

а) гражданскӧй служащӧйлӧн либӧ гражданинлӧн кувсьӧм йылысь эскӧдангижӧд;

б) гӧтрасьӧм йылысь эскӧдангижӧд – сэк, кор ӧтчыдысь ошкӧмла шыӧдчӧ гӧтыр (верӧс), кодӧ гражданскӧй служащӧйлӧн пӧгибнитан (кувсян) либӧ гражданинлӧн пӧгибнитан (кувсян) лун вылӧ лоӧ сылӧн гӧтырӧн (верӧсӧн);

в) гражданскӧй служащӧйлӧн либӧ гражданинлӧн чужӧм йылысь эскӧдангижӧд – сэк, кор ӧтчыдысь ошкӧмла шыӧдчӧ гражданскӧй служащӧйлӧн либӧ гражданинлӧн бать либӧ мам;

г) гражданскӧй служащӧйлӧн либӧ гражданинлӧн кага чужӧм йылысь эскӧдангижӧд – сэк, кор ӧтчыдысь ошкӧмла шыӧдчӧ гражданскӧй служащӧйлӧн либӧ гражданинлӧн кага;

д) документ, кутшӧм эскӧдӧ сійӧс, мый ӧтчыдысь ошкӧмла шыӧдчысь морт лоӧ пӧгибнитӧм (кувсьӧм) гражданскӧй служащӧйлӧн либӧ гражданинлӧн видзӧм улын, – сэк, кор ӧтчыдысь ошкӧмла шыӧдчӧ пӧгибнитӧм (кувсьӧм) гражданскӧй служащӧйлӧн либӧ гражданинлӧн видзӧм улын лобысь морт.

6. Канму орган, кодӧ вӧзйис гражданскӧй служащӧйӧс либӧ гражданинӧс ошкӧм либӧ награда сетӧм вылӧ, награда сетӧм либӧ ошкӧм йылысь Россия Федерацияса инӧда акт либӧ Коми Республикаса инӧда акт йӧзӧдан лунсянь 10 уджалан лун чӧжӧн гижӧмӧн юӧртӧ гражданскӧй служащӧйлы либӧ гражданинлы либӧ тайӧ Мындаяслӧн, пӧрадоклӧн да условиеяслӧн 4 пунктса 3 пунктулӧн урчитӧм случайын гражданскӧй служащӧйлӧн либӧ гражданинлӧн семьяӧ пырысьяслы гражданскӧй

служащӧйлы либӧ гражданинлы награда сетӧм либӧ сӧйӧс ошкӧм йылысь, ӧтчыдысь ошкӧм босьтӧм вылӧ налӧн инӧд йылысь, а сӧдзжӧ гӧгӧрвоӧдӧ ӧтчыдысь ошкӧмла шыӧдчан пӧрадоксӧ.

7. Канму орган, кодӧ вӧзйис сӧйӧс ошкӧм либӧ награда сетӧм вылӧ, мынтӧ ӧтчыдысь ошкӧмсӧ татшӧм кадколастьясӧ:

сӧк, кор ӧтчыдысь ошкӧмла шыӧдчӧ гражданскӧй служащӧй либӧ гражданин, – канму органӧ шыӧдчӧм воан лунсянь тӧлысь кадколастӧ;

тайӧ Мындаяслӧн, пӧрадоклӧн да условиеяслӧн 4 пунктса 3 пунктулӧн урчитӧм случайын – «Коми Республикаса канму гражданскӧй службаын ӧткымын юалӧм йылысь» Коми Республикаса Оланпаслӧн 13 статьяса 6 юкӧнӧн урчитӧм кадколастьясӧ условие дырйи, кор сетӧма тайӧ Мындаяслӧн, пӧрадоклӧн да условиеяслӧн 5 пункттын индӧм документъяссӧ.

8. Гражданскӧй служащӧйлы, гражданинлы либӧ гражданскӧй служащӧйлӧн, гражданинлӧн семьяӧ пырысьяслы мынтӧны ӧтчыдысь ошкӧмсӧ гражданскӧй служащӧйлӧн либӧ гражданинлӧн лицевӧй тшӧт вылӧ либӧ ӧтчыдысь ошкӧмла шыӧдчысь семьясӧ пырысьяслӧн лицевӧй тшӧтъяс вылӧ, кутшӧмъясӧс востӧма финансово-кредитнӧй учреждениеясын, лӧсялана ӧтувья мындаяссӧ вуджӧдӧмӧн.

9. Сӧк, кор гражданскӧй служащӧйлӧн либӧ гражданинлӧн семьяӧ некымын пырысь шыӧдчӧ ӧтчыдысь ошкӧмла, кутшӧмӧс эз босьт индӧм гражданскӧй служащӧй либӧ гражданин пӧгибнитӧм (кувсьӧм) вӧсна, ӧтчыдысь ошкӧмлысь ӧтувья мындасӧ юклӧны на костын ӧтмындаӧн.

Коми Республикаса Юралысьлөн
2021 во вöльгым тöлысь 12 лунся 130 №-а Индöд дорö
2 №-а СОДТÖД

Коми Республикаса Юралысьлөн
вынтöмөн лыддян öткымын индöд
ЛЫДДЬÖГ

1. «Коми Республикаса канму гражданскöй служащöйясöс öтчыдысь ошкöм йылысь» Коми Республикаса Юралысьлөн 2008 во ода-кора тöлысь 14 лунся 38 №-а Индöд.

2. «Коми Республикаса канму гражданскöй служащöйясöс öтчыдысь ошкöм йылысь» Коми Республикаса Юралысьлөн 2008 во ода-кора тöлысь 14 лунся 38 №-а Индöдлөн 1 пунктлысь торъя положениеяссö вынтöмөн лыддьöм йылысь» Коми Республикаса Юралысьлөн 2008 во вöльгым тöлысь 28 лунся 120 №-а Индöд.

3. «Коми Республикаса канму гражданскöй служащöйясöс öтчыдысь ошкöм йылысь» Коми Республикаса Юралысьлөн 2008 во ода-кора тöлысь 14 лунся 38 №-а Индöдö вежсьöмьяс пыртöм йылысь» Коми Республикаса Юралысьлөн 2011 во öшым тöлысь 30 лунся 179 №-а Индöд.

4. «Коми Республикаса канму гражданскöй служащöйясöс öтчыдысь ошкöм йылысь» Коми Республикаса Юралысьлөн 2008 во ода-кора тöлысь 14 лунся 38 №-а Индöдö вежсьöмьяс пыртöм йылысь» Коми Республикаса Юралысьлөн 2014 во рака тöлысь 11 лунся 24 №-а Индöд.